

ÁŠŠEČILGEHUS

Vuodđodokumeanta
 Jorgaluvvon dokumeanta

Vuorkááššennr. 2017/3288-2	Vuorká: 034	Áššemeannudeaddji: Kent Ailo Hætta	Dáhton: 21.11.2017
-------------------------------	-----------------------	--	------------------------------

Lávd. Áššennr.	Lávdegoddi:	Čoahkkindáhton:
	Ovdagotti mearrádusevttohančoahkkin	
	Suohkanstivra	

RIEVDADIT ORGANISEREMA DEARVVAŠVUOĐA DOAIBMASUORGGIS.

Čujhusat leat:

- Bargobearráigeahču raporta
- Hemis bagadus

Ášši duogáš:

Dearvvašvuođa ja fuolahusa ovttagas leat dál golbma doaimma; Dearvvašvuođa doaimma, Ruovttubálvalusaid doaimma ja Fuolahusguovddáža doaimma. Stuurimus dán lea Dearvvašvuođa doaimma, man ráđđeolmmái dál evttoha juohkit guovtte sadjai nu ahte jođiheaddjis lea buoret vejolašvuohta čuovvulit sihke bargiid ja bargguid. Vejolaš ođđaorganiseren mielddisbuktá dušše smávit gollolassáneami jođiheaddjibealis, muhto potenciála lea ahte mielddisbuktá unnit buohcanjávka, buoret mielbargičuovvoleapmi ja buoret bálvalusaid.

Dál lea Dearvvašvuođa doaimmas buhccidruoktu, gievkkan, dearvvašvuođastašuvdna, jorttamovra, fysioterapiija/ergoterapiija, psykiatriija, psykologat, doavtterbálvalus, beaivefálaldat olbmuid geain lea demeansabuožanvuohta ja geat orrot ruovttus. Dát dahká 61 bargi 45,54 jahkebarggus. Dasa lassin lea plánejuvvon álggahit borramušráhkadeami gievkkanis. Dát mielddisbuktá ahte fertet virgádit goahka ja gievkkanveahki, ja de šaddet oktiibuot 3 jahkebarggu turnusbarggus gievkkanis, ja dál mis lea 1,5 jahkebarggu. Go suohkan ieš ráhkada borramuša, de lea vejolašvuohta fállat borramuša daidda geat orrot ruovttuin, mii addá buoret kvalitehta ruovttuvuođđuduvvon fuolahussii.

Buhccidruoktu ja gievkkan lea ovdal leamaš sierra doaimma/ovttadat ja organiserejuvvui dearvvašvuođa doaimma vuollái 01.01.2013. Dát ii leat árvvoštallojuvvon, muhto leat oaidnán ahte dearvvašvuođa doaimma šattai beare stuuris, juoga mii lea dagahan stuora bargonoađi dearvvašvuođa doaimmajođiheaddjai. Dearvvašvuođa doaimmajođiheaddjis lea stuora jođihanguovlu mas leat mánga fágasuorggi. Dát lea earret eará fuomášuhttojuvvon bargobearráigeahču ja Hemis raporttain.

Dál lea ossodatbuohccidivššár geas lea fágalaš ovddasvástádus ja beaivválaš bargoveagaovddasvástádus buhccidruovttus, muhto das ii leat personála- iige ekonomijaovddasvástádus. Dát organiseren ii leat doaimman nu bures, earret eará namuhuvvon oktavuodaid dihte. Buhccidruoktu lea gáibidan ollu čuovvoleami dearvvašvuođa doaimmajođiheaddjis, ja nu lea geavvan ahte eará vuolitossodagat

dearvvašvuoda doaimmas eai leat ožžon doarvái buori čuovvoleami sin fágasurggiin. Dás namuhit mielbargiságastallamat, buohcanjávkančuovvoleapmi, bálvalusšiehtadusaid ođasteapmi, prošeavttat, ohcat/raporteret olggobealruđa, HMS ja ollu eará.

Bargiide mearkkaša ođđaorganiseren ahte sis lea dušše okta jođiheaddji geainna gulahallat dan sadjái go guokte dál.

Ođđaorganiseren addá buoret bajilgova bušeahtas/rehketdoalus. Ekonomalaš váikkuhusat lea gaska bálkkás gaskal ossodatbuohccedivššára ja buhcciidruovttu doaimmajođiheaddji, mii dahká sullii kr 20 000,- gitta 30 000,- juohke jagi. Dán sáhtá seastit go oažžu buoret buohcanjávkančuovvoleami ja oanehisáiggejávkan unnu.

Fágaserviiguin lea dollojuvvon diehtujuohkinčoahkkin 15.11.2017.

Dearvvašvuoda ja fuolahus ovttat oaihvilda ahte buhcciidruoktu ja gievkkan berre ođđaorganiserjuvvot sierra doaimman dearvvašvuoda ja fuolahus vuollái. Dáinna lágiin oažžu obbalaš organiserema buhcciidruovttu/gievkkana dáfus ja unnida bargonoađi dearvvašvuoda doaimmajođiheaddjis.

Mearrádusevttohus:

Dearvvašvuoda doaimma juhkkovuvvo guovtte sadjái, nu ahte buhcciidruoktu ja gievkkan šaddá sierra doaimma, ja dearvvašvuodašuvdna, jorttamovra, fysioterapiija/ergoterapiija, psykiatriija, psykologat, doavtterbálvalus, beaivefálaldat olbmuide geain lea demmeansabuožanvuohka ja geat orrot ruovttus šaddá dearvvašvuoda doaimma.

Ulbmil lea hábmet buoret bálvalusaid ja buoridit čuovvoleami bargiid hárrái.